

Beurer FS 50

Sauna za lice

Uputstvo za upotrebu

Poštovani kupci,

Radujemo se što ste se odlučili za jedan proizvod iz našeg asortimana. Mi stojimo iza kvalitetnih i ispitanih proizvoda sa polja toplote, blage terapije, masaže, mjerenja težine, krvnog pritiska, tjelesne temperature, pulsa i zraka.

Molimo da ova uputstva pažljivo pročitate, sačuvate ih za kasniju upotrebu, učinite ih dostupnim trećim licima i poštujujte upozorenja.

Srdačni pozdravi,
Vaš Beurer tim



1. Opis simbola

Slijedeći simboli nalaze se na tipskoj pločici na aparatu.



Aparat je duplo izoliran i ispunjava zahtjeva zaštitne klase 2.

2. Bitne napomene prije upotrebe

- Prije upotrebe saune, molimo da pažljivo pročitate ovo uputstvo za upotrebu. Proizvođač nije odgovoran za štete nastale nemarnom upotrebom.
 - Popravke ovog aparata smiju vršiti samo ovlašteni serviseri, pošto je za popravak potreban poseban alat. U suprotnom garancija ne vrijedi.
 - Ovaj aparat nemojte koristiti ako imate srčana oboljenja, crvenilo kože, upalne procese, otekline, osjetljive dijelove, dijabetes, rane, opekotine, ekceme i psorijazu.
 - Za vrijeme trudnoće ili kod drugih oboljenja posavjetujte se sa liječnikom prije upotrebe ovog aparata
 - Prije upotrebe ovog aparata provjerite da li je isti neoštećen. Kod oštećenja, ovaj aparat ne smijete koristiti.
 - Djeca ne prepoznaju opasnost koja može da nastane u vezi sa električnim uređajima. Pobrinite se da se djeca ne igraju sa ovim aparatom.
 - Prije nego što aparat uključite u struju, provjerite da li napon struje odgovara onom na tipskoj pločici.
 - Aparat nemojte koristiti u blizini vode (n.pr. u kadi, umivaoniku itd.)
 - Aparat nemojte stavljati u vodu ili neku drugu tečnost. Aparat čuvajte na sigurnom mjestu.
 - Aparat nemojte stavljati na površine neotporne na vodu.
 - Aparat koristiti samo sa isporučenom i montiranom maskom za saunu lica.
 - Aparat držite dalje od izvora toplote i vrelih površina.
 - Aparat koristite samo u one svrhe za koje je predviđen
 - Aparat nije namijenjen da ga koriste osobe sa ograničenim sposobnostima ili sa manjkom iskustva i/ili znanja, osim ako te osobe nadgleda osoba zadužena za njihovu sigurnost ili su od te osobe dobili instrukcije, kako da koriste aparat.
- Djecu treba nadgledati da se ne igraju sa aparatom.

3. Bitne napomene za vrijeme upotrebe


- Aparat odmah isključite, ukoliko nastanu smetnje za vrijeme korištenja. Izvucite kabal iz struje.
- Lice nemojte previše približavati maski, jer u suprotnom može doći do opekotina usljed vrele pare. Zatvorite oči za vrijeme korištenja i zaštitite dijelove osjetljive na toplotu.
- Aparat nemojte koristiti duže od 20 minuta.
- Prekinite tretman sa uljima i ljekovitim biljem, ukoliko dođe do osjetljivosti kože ili nekih drugih neobičnih pojava.
- Tretman odmah prekinite, ukoliko osjećate nelagodu ili bolove za vrijeme tretmana i odmah se javite Vašem ljekaru.
- Aparat nemojte koristiti ispod deka, peškira, itd.
- Dodatke nemojte mijenjati za vrijeme tretmana, jer bi moglo doći do opekotina usljed prosipanja vrele tečnosti.
- Pažnja: Aparat se ne gasi automatski – čak ni onda, kada je voda u potpunosti isparila iz spremnika.
- Ako Vam aparat slučajno ispadne u vodu, kabal odmah izvucite iz struje. Prije naredne upotrebe, aparat treba pregledati kvalificirani električar.

4. Bitne napomene nakon upotrebe

- Nakon upotrebe, aparat ugasite i kabal izvucite iz struje.
- Nikada nemojte vući za kabal da bi aparat isključili iz struje. Kabal nemojte dirati vlažnim rukama.
- Molimo da preostalu tečnost ispraznite iz spremnika. Dodatno pazite da tečnost ne dođe u dodir sa prekidačem, kablom, dnom aparata ili uđe u unutrašnjost aparata.
- Nakon upotrebe, aparat očistite kako bi spriječili nakupljanje masnoće ili drugih ostataka. Održavanje i čišćenje jamče optimalan učinak tretmana i produžuju vijek trajanja aparata.
- Prije naredne upotrebe, pustite da se aparat u potpunosti ohladi.
- Ukoliko imate dodatnih pitanja vezano za naš aparat, molimo da se obratite našem ovlaštenom trgovcu.

5. Opis aparata

1. Sauna za lice – maska za parenje za cijelo lice
2. Spremnik za vodu
3. Baza
4. Maksimalni volumen
5. Okretna sklopka
6. Kontrolna lampica
7. Nastavak za arome
8. Sauna za lice – maska za parenje za nos i usta
9. Ventil za paru (poleđina)
10. Parna ploča
11. Mjerna čašica (mjerica)



6. Primjena

Ovaj aparat predviđen je za primjenu samo na ljudskom licu. Primjena ove saune za lice idealna je osnova za njegu lica. Koža Vašeg lica biće idealno pripremljena za daljnje tretmane, kao n.pr. dubinsko čišćenje, hidratacija kože, maske za lice itd. Saloni ljepote svaki tretman lica često započinju parenjem kože lica. Para poboljšava prokrvljenost kože, pore se otvaraju, a nečistoće se mogu bolje ukloniti.

Na ovaj način postićete perfektan početak za svaku vrstu daljnjeg tretmana njege kože. Kada su pore otvorene, proizvodi za njegu lica bolje prodiru u dubinsku strukturu kože i na taj način se postiže optimalan učinak njihovog djelovanja.

6.1 Rad

Aparat postavite na ravnu, čvrstu i voodootpornu podlogu odnosno na stol.

Vodu naspite u spremnik za vodu pomoću mjerice. Ne smijete prekoračiti maskimalni volumen.

Spremnik za vodu nikada nemojte držati direktno pod mlazom vode, uvijek ga napunite uz pomoć mjerice. Kod maskimalnog volumena, količina vode dovoljna je za tretman od cca. 20 minuta.

Nemojte koristiti ulja, bilja ili druge arome kao zamjenu za vodu, već samo kao dodatak za postizanje maksimalno volumena.

Uz masku za cijelo lice, isporučena je i maska za nos i usta.

Željenu masku fiksirajte okretom na bazu.

Pazite da masku dobro pričvrstite (čujete zvuk „klik“).

6.2 Primjena saune za lice

Kabal u potpunosti odmotajte i uključite ga u struju. Nakon toga, okrenite okretnu sklopku u smjeru kazaljke na satu dok crvena lampica svijetli. Sklopku podesite na poziciju „2“ za ubrzavanje zagrijavanja. Nakon cca. 5 minuta para počinje da izlazi. Sada sklopku okrenite na poziciju „1“ da bi smanjili intenzitet isparavanja pare.

Podesivi ispust za paru

Intenzitet ispuštanja pare možete regulisati okretanjem parne ploče. Kod zatvorenog ispusta za paru, para izlazi iz parnog ventila, koji se nalazi na stražnjem dijelu aparata odnosno maske.

Zatvaranjem parne ploče možete smanjiti period zagrijavanja vode. Kako bi izbjegli opekotine, nikada nemojte direktno dodirivati ispust za paru i uvijek pazite da para može slobodno izlaziti iz parnog ventila.

Sada sjednite ispred maske. Nagnite se naprijed toliko da se Vaše lice nalazi iznad maske.

Ukoliko osjećate da je para vrela, povećajte razmak između maske i lica da bi izbjegli opekotine.

Pažnja:

Za vrijeme tretmana sklopka uvijek treba da bude vraćena na poziciju „1“.

Lice nemojte držati preblizu maske, jer bi usljed jakog intenziteta pare moglo doći do opekotina.

Ako želite za završite tretman ili je voda isprila, sklopku okrenite na poziciju „0“. Kontrolna lampa na aparatu se gasi.

Nakon tretmana, lice operite hladnom vodom. Sada nanesite kremu ili masku za lice. Otvorene pore omogućavaju da djelotvorni sastojci uđu u dubinske strukture kože lica. Saunu za lice nemojte koristiti duže od 20 minuta na dan. Preporučujemo tretmane 2-3 puta sedmično.

6.3 Upotreba ljekovitog bilja, ulja ili drugih aroma

Nastavak za arome pruža mogućnost da koristite ljekovito bilje, ulja ili druge arome u okviru Vašeg tretmana aromama. Ljekovita bilja, ulja i druge arome imaju najbolji učinaka kada se pomiješaju sa parom. Međutim, ne smijete koristiti otopine koje sadrže soli. Dozvoljeno je korištenje samo onog ljekovitog bilja, ulja i aroma, koji su predviđeni i pogodni za saunu za lice, i koje je proizvođač tih stvari odobrio za takvu upotrebu

Primjena:

Otvorite poklopac nastavka za arome. Uspite nekoliko kapi ulja na pamučnu vatu ili blaznicu. Vatru ili blaznicu stavite u nastavak za arome i zatvorite ga.

6.4 Upotreba maske za nos/usta

Pošto je sluznica nosa kod čovjeka jako osjetljiva, sklopku nikada nemojte okretati na poziciju „2“ za vrijeme tretmana saune za lice uz pomoć maske za nos/usta. Za vrijeme tretmana, nos nikada nemojte držati previše blizu maske.

Osim toga, preporučeno trajanje tretmana je 10 minuta na dan i najviše 2-3 puta sedmično.

Primjena je ista kako je to opisano u tački 6.2.

7. Čišćenje i održavanje aparata

Kabal izvucite iz struje. Pustite da se aparat ohladi cca. 10-15 minuta prije nego masku za paru skinete sa baze okretom u suprotnom pravcu od kazaljke na satu. Ispraznite spremnik za vodu tako što gornji dio držite okrenutim prema dolje. Nakon svake upotrebe aparat očistite od ostataka masnoća i kamenca pomoću standardnog sredstva za uklanjanje kamenca pogodnog za aluminij.

Za čišćenje površine aparata i maske koristite mekanu i navlaženu krpu. Nakon toga, aparat posušite suhom krpom.

- Nemojte koristiti jaka sredstva za čišćenje plastičnih dijelova. (n.pr. alkohol, aceton, benzin ili abrazivna sredstva)
- Prije čišćenja kabal izvucite iz struje.
- Nemojte koristiti oštre ili špicaste predmete za čišćenje.
- Aparat nikada nemojte uranjati u vodu.

8. Tehnički podaci

Priključak na mrežu 230V ~ 50 Hz 120 W

Ekskluzivni zastupnik i distributer za BiH:



Tel: +387 33 761 140 Fax: +387 33 761 142
Blažujski drum 24, 71000 Sarajevo, BiH
info@unalijek.com

www.unalijek.com